

Při blidže wo pokal Pawka wojowali!

Sportowe zarjadowanje hinašeho razu je sobotu wječor, dnja 27.2. přewjedło serbske młodźiske towarstwo Pawk. We Wotrowje přewjedžechu Pawki zhromadnje z wotrowskim młodźinskim klubom O² Kickertunier wo pokal Pawka.

Kicker je hra kotraž je tež pod mjenom blidowa kopańca znata. Při tym hraja dvě mustwje, kotrež z přeco dwejoch wosobow wobstejitej, při jednym kickerowym blidže přećiwo sebi. Je to jedne blido z koparskimi figurami při metalowych žerdkach kotrež dyrbja so přez hrajerjow wotpowědnje pohibować a poslužować.

Nimale 120 młodostnych bě do wotrowskeje šule přichwatali, zo by sej horcy bój wo pokal Pawka wobhladali. 16 mustwow su so na turněrje wobdžělili. Tak běchu mustwa z Kamjenej, Radworja, Ralbic, Chrósćic a Pančic-Kukowa pódla. Městna dla njemóžachu so nažel wšitcy zajimcy na turněrje wobdžělić.

Turněr započny so w 20 hodz. a zakónči so rano wokoło 1. hodz.! Po horcych bojach rozsudžištaj Antonius Škoda a Pětr Hajdan jako mustwo „Rentarje“ we finalu w rozsudnu pjatu sadźbu za sebje. Jim podleža wotrowske mustwo z mjenom „nanajlěpši team“ - Tobias Škoda a Křesćan Šořta.

Třěće městno wudobyštaj sej Oliver Šmit z Kašec a Stefan Waurich z Pančic-Kukowa ze swojim mustwom „Bjez nadźije“!